



續扶桑隱逸傳 上

内閣文庫
 五九六
 一〇四
 和書

内閣文庫	番號和	15994
	冊數	6(4)
	函號	158 197





護法、厚、未、可、知、**吾、後、若、義**

公、隨、余、靈、存、引、余、立、孤、陋、

亦、織、蕪、辭、雖、然、如、此、復、也、

適、也、作、家、台、上、豈、有、影、海、

式、織、若、情、試、辨、矣、

讀、大、意、通、事、考

卷上 牙陽送作卷

昔

突承了亥榮葶日騰子

海山人書西濃之以龍



續扶桑隱逸傳序

之在山而志隱山者入

齋而不出山廟者世不

蓋隱逸在心非形以形

者寧俗海乎所以今續

續扶桑隱逸傳序

若_レ非_レ分_ニ賤_ニ貴_ニ緬_ニ素_ニ舉_下揚_レ有_ル
韜_レ鏘_レ之_レ隱_レ致_レ者_ラ每_ニ章_ニ擊_テ賞_テ
鮮_ラ以_テ露_ス生_レ美_ラ焉_{是_レ以_テ傳_レ也}
魯_テ不_レ作_ラ不_レ待_テ唯_レ好_レ其_レ樹_ル焉_也
篤_ラ老_ラ以_テ做_ス後_レ進_レ之_レ傍_レ樣_也

續扶桑隱逸傳序

山林_ニ有_レ隱_ス德_者城市_ニ有_レ顯_ス德_者
隱_ス其_レ德_者蓋_ニ欲_ス遜_レ名_ヲ焉<sub>顯_ス其_レ德_者
者_ハ蓋_ニ欲_ス眩_ス名_ヲ焉<sub>欲_ス遜_レ其_レ名_者
耐_タ韜_ニ於_レ光_也欲_ス眩_ス其_レ名_者耐_タ誇_ニ於_レ
榮_也胡_ニ爲_テ誇_ル其_レ榮_者多_ク焉_{而_レ韜_ム}</sub></sub>

其炎者鮮也。嘗有妙子者。晦跡
霞谷。優娛顏淵之貧。偉具司馬
之才。編隱逸傳。總七十五人行。
於天下。益於人天。欲眩名者。易
轍而趨。欲隱德者。望標而晉。此
故激發顯榮之心。天地不能藏

焉。敷揚幽德之念。日月不能磨
焉。斯實國朝之遺史。而貽績
於庶民。欲其儉水炭者。豈得而
可議哉。余偶閱禪誦之暇。勃然
懷續貂之想。尚襲於綿力。式無
由跂焉。茲鎖蓬門。燕居無事。涉

獵國朝陳文腐辭之林蒐輯
今古鳳毛麟角之士或訂客譚
或討鴈札合得九十餘頁各紀
隱德系之以贊循循臚列分爲
三弓名曰續扶桑隱逸傳嗟乎
杜撰之譏盍自懼焉狼碎之文

盍自慙焉因奈博物士之二三
乎此役何儻夫余之爲後志斯
撰者早把斯卷披沙揀金爲寶
於後來待聽其說然也已
是余所以竊有志續傳而弗敢
鬻名於大方之家也第能詳其所用

心則何有復可言乎。縱使雖退
 在山林。心眩名者。即是城市。縱
 使雖出在 cities。心邀名者。即是
 山林。然則忘名於心。失利於已。
 以行先德之真履。謂同歸於我。
 道亦宜也。迺欲歸其道者。龜鏡

明於斯也。以是為之序

皆

寶永四載中。殊既望。心義堂書
 于月桂文室





子且其文堂

寶天不四庫中於河望山美堂

皆

用欲後以...

凡例

- 一政公所編傳者集本朝隱士不區別緇素以画其圖而示其趣而今續傳亦標準之故不及支竺混雜真俗只略其圖而省紙費矣
- 一今續傳者匪唯隱逸把其行業矜式後世之事不失其始終欲似彼行李也
- 一若此緝綴者則雖咸據遺編本傳暨耳證口碑或彼或此摘其中實欲閱之者只向一隅勿背三隅

一剝染諸師無弗隱逸然推轂出世擔杖遁世
 皆爲人則以遁不可非出又以出不可非遁
 决隻眼請出遁見若之何

一余聞淺識劣不涉多史故以續傳難稱大成
 一到其全備則讓博古君子而已

續扶桑隱逸傳卷上之目錄

- | | |
|------|------|
| 善仲善筭 | 清和帝 |
| 宇多帝 | 花山帝 |
| 法空 | 源信 |
| 寂昭 | 真興 |
| 見佛 | 玄常 |
| 良筭 | 齊遠 |
| 藏緣 | 一宿上人 |
| 源筭 | 正直房 |

暹覺

無相

覺英

空觀

石塔寺僧

瀧口入道

無名子

武藏野翁

佐佐木高綱

北條時村

永平遣元

覺心

松嶋法心

東巖

白雲

高峯

續扶桑隱逸傳卷上

白石巖居沙門不器子心

義堂

撰

善仲善筭

善仲善筭攝州刺史藤致房之雙兒也母源氏

蓮華二莖夢飛入口覺後有娠母以夢故懷胎

之間不嘗葷腥和銅元年正月誕生一胞之中

二兒相對不啼哭常含笑童稚聰惠又過群孺

九歲事天主寺榮湛十七剝漆受菩薩戒甫弱

冠歲學窮內外人皆以夙智稱焉一人並頭常

語流淚人無測也。其居以隣塵寰而白其師欲遁山谷。湛憂不許。神龜四年春。二人潛逃入山。遙望一峯紫雲叢。思必靈地。因縛艸菴。宴居精練。今勝尾山也。經行之跡。苔蘚分筋。禪榻之邊。鳥獸成群。常共嘆曰。願不捨此身。必往淨邦。神護景雲二年二月十五日。仲乘艸座。忽然飛去。年六十一。爾後筭不語禪坐。三年七月十五日。冲天沒西。歲集仲而知云。

贊曰。蓮華二莖。仲筭二師。並頭相語。世人無知。冲天艸座。乘願他之。異世現迹。一鞭何遲。唳開成子。早遯丹墀。三賓鼎坐。能流其彝。

清和帝

清和帝仁壽季子。天安二年霜月卽位。位十九年。海內安康。貞觀十八年十一月。遜位太子。而幸水尾山寺。營佛宇。當寢陵。帝風儀端嚴。邈如神仙。好披經史。耽閱釋典。出宮之後。在清和院。御膳只菜蔬而已。凡畿甸靈區。巡幸殆遍。或兩三日一齋。六時苦修。一心禪念。元慶四年臘月

四日崩圓覺寺聖壽二十有一脚跌定印此夜地震宸儀不傾儼如如在遺詔不建山陵茶毗中野

贊曰我扶桑國間出聖賢一利利種禪讓系聯未嘗移革相胤亦然和君風儀邈如神仙常嘗菜蔬不用葷羶於戲治心扶性萬乘惟權

宇多帝

宇多帝法諱空理仁和帝子也享國十年寬平

九年遜位太子幼不御羶志慕三寶卅歲上睿山游觀耽樂僧儀而忘歸昌泰二年十月從益信法師落髮營御室於仁和寺側精修禪宴承平元年七月十九日崩睿筭六十五

贊曰於美平帝服膺三寶享國十年讓位一早戒檀放炎御室養老祖述王遜永世至道

花山帝

花山帝法諱入覺安和帝長子也永觀二年十月即位睿筭十九弘徽殿妃自此厭世故當

妙齡脫屣金輪如花山寺祝髮偏奉僧儀精修
 密法王畿靈區多所游歷又入紀之那智山不
 出三歲苦修練行陪者取法一日神龍降獻如
 意珠等云回都崩花山寺實弘五年二月八日
 聖壽四十一
 平贊曰夜排玉闥潛出王宮天象呈變花山示
 終蔽忠弘微獻珠神龍瞻被德容云孰不崇
 法空者野之下州人居法隆寺學顯密教誦妙

經晝夜各三部後返本邦游歷勝地適至一洞
 生五色苔門戶障隔牀座天成又以苔蘚悉皆
 嚴飾空見此心生歡喜入中居止永離塵境乃
 綴五色苔為衣服甚軟煥果滅元食鳥獸馴傍
 十羅刹女現形給仕荏苒歲月又不記也
 贊曰吾有大仙曾歸之者多而軀壽堅久者
 亦不數空得洞以天成遁塵境服煥苔嗚乎
 法體長生經王之力而佛與仙兼全者必矣

源信

源信姓小氏和州葛木郡人也。父名正親母清氏。父母請郡之高尾寺求子。母夢一僧以一顆玉與之。即有妊。信幼時夢高尾寺有藏。藏中有數鏡。一沙門取暗小鏡付信。信曰。此小暗鏡有何用。欲得大明者。沙門曰。只以此鏡至橫川瑩磨。覺而大怪。不知橫川何處。後上睿山師事慈惠。始思夢事。勵精修學。天性聰明。究顯密教。信過壯歲。忌榮名。而屏居橫川。專以著述爲己任焉。佗時深夜獨坐。思惟法義。欲見證典。殘燈已

燃。忽有自然火而續。燦焰諸般異應。匿而不語。寬仁元年六月十日。集門弟子曰。今生謁晤。只有今日。若有疑取決焉。諸徒且問且泣。信一一剖析。明白氣息。速鹿。麾去門人。唯留慶祐。談往生事。優結定印。端坐遷化。壽七十六。天樂響空。奇香四散。山中艸木皆盡靡。西所謂趙宋皇帝聞信。道譽嚴。建塔廟。置像。欽云。

贊曰。緇門美玉。允麗釋天。信忌榮世。屏居橫川。匿而不語。燃而接煙。非磨暗鏡。艸盡靡然。

寂昭

寂昭諫議大夫江齊光之子也。俗名定基仕官。至參州刺史會失配以愛厚緩喪。因觀九相深生厭離。乃割冠纓投于春山入源信室。早各講學。信作台問曰。付昭寄知禮禮答釋成。昭欲持歸丞相。丁晉公欽昭德義思留之。昭以姑蘓山水之美。昭愛其煙景。止于吳門寺。令其徒送禮答釋。晉公披襟厚遇。昭有黑金水瓶與晉公。以詩曰。提携三五載。日用不曾離。曉井斟殘月。寒

爐釋碎斷。鄙銀難免。後萊石易成。虧此器堅還。實寄公應可知。載此詩於楊文公談苑云。

贊曰。昭公飛詩賦。今古思。玉振談苑。金擲鍊

師姑蘓山水。白畫鬢絲。蹈翻宋國。歸諸怪遲。

真興

真興不記桑梓姓氏。興福仲筭之徒也。精乎因明。世曰成唯識觀。嘗昇兜率天。觀彌勒大士。長保五年。為維摩講師。相國藤道長尤加優禮。救赴最勝會。講已懷出。州屬自著不歸。南都樓子

嶋後人貴之不字呼子嶋先德蓋子嶋曰和州高市郡之子嶋寺耶

贊曰興下釋書載感進事閣筆不舉講已懷出州屬自著不歸舊栖以之見此則蓋夫感進於與師乎塵垢乎糝糠乎

見佛

見佛者不言鄉姓於舊志下居於興之松嶋其地東溟之濱小嶼一千曲洲環浦奇峯異石天下之絕境也其尤者曰千松嶋佛居之而精勤

苦練一十二年其間誦妙經部及六萬其後不計筭數專壹持誦既淨六根役使神鬼天仁帝聞其道譽賜佛像寶器而以旌異之依茲土人改千松曰御嶋佛年八十二圓寂

贊曰興之御嶋者東夷之海角而去華洛三千里也見佛居之精勤已淨六根而役使鬼神其譽達于天聰而旌異之故改千松曰御嶋蓋德無近遠境有遐邇嶋得佛而顯又佛因嶋而傳芳名於將來者歟

因玄常

玄常平氏上都人也。出家睿山持法華經兼有
慧解。後移播州雪彥山紙楮木皮以充衣裳晴
雨共不戴笠雖遠遊不著鞋不解衣帶不設臥
具遇人必拜見鳥獸屈膝或日喫一粟經一百
日或以柚百顆為一冬糧臨終別諸友曰今日
以後淨利相見乃歸山中誦經而終
贊曰荷歟常子耐學不輕楮皮充服柚栗以
充羹不著鞋去不戴笠行慎德樞要樂遜權衡

良筭

良筭東關人也。性勇健薙染後永絕穀鹽只食
淡菜誦妙經無他業常居深山絕壑不來往聚
落荷葉木皮為上衣塚間樹下充勝場又上金
峯山住解嶽數十年持法華鬼神始現可畏形
筭不怖後以果菰為供常言身是水沫命如朝
露若愛護之甚為至愚云筭與人語口猶誦
經雖瞑目眠經聲不絕臨終時面有喜氣或人
問上人頃毀譽不動今何見乎答曰生平孤露

今受榮爵不亦說乎。問者曰。榮爵何答曰。捨塵勞垢穢之體。昇金剛妙淨之階。豈非榮爵乎。語已而逝。

贊曰。天產良材。吾門撐柱。燕居山齋。不遊花街。身悟木末。奚愛形骸。永受榮爵。昇妙淨階。

齊遠

齊遠者。周州人。敝居東寺。後歸故國。住玖河郡三井寺。其地圓通靈場也。遠誦妙經。供香花有年矣。一冬大雪不晴。人迹已滅。過十餘日。遠耐

飢寒。誦供不輟。會一狼來庭。殺鹿而去。遠煮鹿喫。誦供如前。雪晴里人來訪。思遠飢。尙能熟烹。揭鍋見之。柏葉耳。里人問。何煎柏葉。遠見肉變。柏得未曾有。具說本事。里人感嘆。飲服。然後見大士腰股。受切劑。乃知麋皆大悲之化。作也。遐邇聞見。盡生淨信。

贊曰。古之持誦者。必有感何乎。冥助激發也。胡爲然。調心也。遠公退京華。歸鄉閭。供養誦經。遭雪不輟。煮鹿喫之。忽變柏葉。是圓通大

悲之化作也。寧非具助乎。從此瞻之遠公者
調心而感者歟。

藏緣

藏緣者。神融法師之徒也。形短小。又甚醜。徐步
却疾。人走不及。專唱地藏號。外無別業。游化北
地。不赴他方。好行施利。毀譽不遷。人間年齒對
曰。八十。然其面容。見四十許。感通如響。降縛鬼
神。白山立山為修煉場。晚縛菴於笥笠。而居臨
命終。夜高唱地藏號。院內緇素聞之。謂緣勤持。

念誦朝看之。面西端坐。合十爪而化。

贊曰。所謂緣之降鬼神也。皆原于專精矣。其
原之精者。我不議也。而降鬼神之評。我得而
可議矣。倘乎緣之毀譽不遷。好行施利者。深
原於道。諄粹於養者也。奚出北地。覓于他方
耶。我依隱逸。有意於此乎。夫縛鬼降神之事。
神官巫術之役也。緣豈為其役。費力於專精
乎。只自然之勇也。已。

一宿上人

一宿上人號行空所居不經兩夜以故五畿七
道無所不遊隨身之資三衣不全况其餘乎只
法華一部而已年九十歿鎮西臨終天衣自纏
身蓮華承雙足生平誦經三十餘萬部

贊曰五畿七道一宿上人三衣不全况其餘
乎大忙生不止蹟我想天衣纏身蓮華承足
果然

源筭

源筭因州人母娠時勞苦異常及誕以為不祥

子弃之路傍牛馬不踐鳥獸不害三日無少傷
隣人怪之收而育之及總角上睿山經年剃落
受戒壯歲還俗丁母喪不任哀毀返本山登壇
重受時年四十五後至西山良峯枕石嗽流精
修自適欲創道場基址不平岩石磊砢難施畚
鋪筭愁之一夕夢異僧告曰上人莫愁我助健
夫次夜野豬數千鑿岩負土翌早見之基地坦
行乃創蘭若良峯有牛鳴之地者自之始也筭
及入良峯七十餘年不踐紅塵長臥白雲漸成

寶坊徒眾益繁筭厭誼開去寺不遠別構州菴
閉門宴坐承德三年暮春結定印端坐而逝年
一百一十七歲

贊曰異矣哉僧之為寶也萬寶之中不可越
焉筭之半撓猶若四字及入良峯七十餘年
絕紅塵臥白雲野猪負土基地坦衍筭之心
地坦平而大僧寶之靈感焉乎又異矣哉

人正直房
正直房者不言姓名又不詳何處人也或來濃

州自為庸夫仕回村家得價無意村民爭之庸
充役夫資性廉直不知所言因而村民號曰正
直房又喚直心房止於茲漸五年一日失所在
村民舉尋求之行于山麓向西而坐安詳而處
自書樹根曰保延二年十月十五日百屈曲房
往生村民悲哀敬之合力嚴造肖像以安民家
云

暹覺

暹覺姓壬生氏豐之後州人資性勇悍少為州

賊承保二年幡然自改祝髮為僧承曆三年結菴於和州安部山痛悔前非勤修懺謝午盂一濕纔接氣而已麤布直綴蔽體優足學窺顯密儀精篇聚保延六年春受微恙瞻唱彌陀端居氣絕後二十七日印手不亂面色無變遺命埋佛堂下肉身不壞至今見存年九十一臘六十

贊曰夫火雖有非悔不改者不為丈夫也覺改州賊勤安部山性勇悍而却留肉身可謂

丈夫乎嗚嚴哉肥遯之遯矣

無相

無相者不言姓字鄉關自縛菴於野州利根川之上而居以其性柔和而無人相無我相號曰無相而已或時利水漫漲漂溺村落里人游泳相訪無相茅菴悉流不看其跡無相晏如而閉目浮坐於波上如居氈席衣屢不潤里人牽袂而欲攜歸無答不起薄暮自來里人嘆其奇崇之拜之倍于始無相或夜栖栖逃去里人覓之

不知所在故各以戀戀之心又構菴於本所命
于佛工新造肖像安之檀上如佛菩薩虔備香
華恭敬供養其匿也十八日因期其日里人際
會同聲高念南無無相佛而結緣也無相饒益
將來如斯

贊曰按悲華經佛以八日十八日說觀世音
日矣無相浮水上八日其匿去十八日况以
無我利人以無相益物大士應化不言可知
喫浮其水神異焉類蝦蟆而言之乎惜乎能

無相而似有相者矣

南都覺英

覺英姓藤氏依一條院覺信大僧正而薙深焉
英以和歌才譽于時世也恒厭利與名努力志
幽栖年二十餘而酷寒夜竊脫美服唯著單衣
稍稍遷去覓失所在或時西行遊于陸奥到葛
松原顧其風景則隔人緣偏非於山又非於野
坦坦平岡而清水四流密林芳艸秀麗而佳西
行愜意遁世欲居於此所而漸尋入深蒼鬱松

下但存竹篔簹麻衣而已不見其人西行戀戀通
懷徘徊相求英書松樹曰在昔為應理圓實之
學徒連于公家梵筵而今為諸國流浪之乞食
取終於葛松原與乃奈可乃比登爾波久都乃
麻津波羅等與波禮之奈故楚宇連之可利家
禮于時保元二年二月十七日權少僧都覺英
生年四十一申刻終焉西行仰其後邁記此事
於選集躬充龜鏡以啟後生

贊曰世人覓利與名猶犬馴食伏首於顯榮

動尾於富家匪啻緇衲况於素衣乎英公捨
利名遜顯榮一十年許不譚鄉字故里人喚
曰葛松原終焉之歡娛宜哉嗚呼清察風韻
少人知若欲淵然究其趣往而禔西行之選
集

空觀

空觀俗名成賴為坊城宰相永曆年中避世雜
選疾登紀之高野落髮而居單丁屋觀方丈安
彌陀想念而終日其想念辨曰我有佛性鎮明

也。造次顛沛無成，非於佛事。此故不可他欺。不可自輕。正修一善，則無差別。一切平等。回向法界。所謂心佛及衆生，是三無差別。聽其說者，無不欽服。余繙史，數而未詳。觀之行李，以此爲恨。贊曰：空觀觀空，證無差別。不可他欺。空即是。

江州石塔寺僧

石塔寺僧舊志不載。氏族法名，年登不惑。切懷厭離，數欲辭群。緇伍仍留，蓋惜其材幹也。時有

民家之新寡婦，此僧故徘徊乎其舍邊。見人則爲避走之狀。晝夜如是。令樵牧者知焉。由是鄉民指目。石塔之衆亦惡之。擯出。此僧得所圖縛茅於僻遠，自絕人事。恒向西坐。固結定印。想念彌陀。久經歲月。如一日矣。或時訪寡婦曰：我素有專修之得。先假通婦之僦。果志願而今往生。極樂是婦人之賜也。所以來謝而已。直歸茅舍坐。而終於時。瑞雲鬢鬢掩于茅舍。鄉民嗟訝。往視之。則逝。七日停屍。遠近奔波香花供養云。

贊曰此傳鑄獨菴之模脫此僧之實又獨之
系曰舉世假真而偽偽矣此師獨假偽而全
真矣蓋徇止觀之安忍方便隱實顯此密行
速入位者乎

瀧口入道

瀧口者洛城人本姓齋藤氏左衛門尉茂賴卿
之子也俗名時賴少翔仕途密通官女橫笛父
叱其姓變諫嫁高名之女瀧口心念隨父欠約
應安失孝進退狼狽因而十九歲厭世相拋冠

纓奔隱嵯峨之往生院橫笛追來屢雖扣門夏
不誰何瀧猶惶洛之邇乃上紀之高野山性雪
潔無所染世曰高野聖平氏惟盛聽瀧之教出
家入水

贊曰莊子曰北溟有魚其名曰鯀化而為鵬
此聖出樊籠又棄恩入無為是一舉九萬里
之勢論其化則非能鯀也蓋聖也緇苑之鵬
乎

無名子

無名子者未詳本貫睿嶺三昧座主之弟子也。壯年出嶺處處修練老寓金峯之外遂谿之中。斯地耶白沙敷庭鬱林繞室凡鳥尚希况人倫乎。子在于室內回可二十威儀安庠而讀法華其聲和雅如調琴瑟天諸童子恆捧其饌眾形神獸夜獻香華互忘機而傾聽讀經各到黎明作禮分散子晤語於客曰吾住於此山八十年也客及欲還不知方所請子指南子即指瓶曰隨是去時瓶自躍進去客趁瓶而行行一時許

到金峯之一峯忽瓶飛歸客著村里語此事云贊曰猗乎子也靖退而匪啻晦蹟埋名能學太仙通神當自在其居也絕人影其御也感天童其化也多蒙異類矣其養也深不可測焉。是咸經王持誦之力歟。蓋留姓氏暨法稱惜矣哉。

武藏野翁

野翁者不語鄉姓只進郁芳門院之一薦士也。院崩御後齡二十九觀逝川速奮然避世遊歷

續世系圖卷之十一

諸國乃止於此結菴臥月愛武野廣爾來經六
十年既迫期願雪顛霜眉解后西行行投一宿
通宵談古濺淚緇袂追曉而別太感翁之操而
記選集云

贊曰郁芳門士武野老翁坐華臥月眉雪梳
風以彰允寵惟忠惟切西之一宿千古情濃

佐佐木高綱

高綱姓佐佐木江州人也秀義季子膽勇拔群
治承四年賴朝勃興綱行豆州從事軍慮焉石

橋杵山之戰功多歸綱也賴朝逮誅義仲綱又
先登截流於宇水此故一戰功成各唱凱歌綱
就東大寺役而不馳與州之兵革剛毅之溢甚
以為恨乃出武門隱于高野投想於龍華之曉
養老於山椒之秋如上事詳演史云

贊曰武門景星軍家之傑截宇水流樹先登
節高野臥龍龍華蜚秘心平氣和式欽頑頑

北條時村

時村者相州刺史時房之次子故字北條次郎

續世系圖卷之十一

也時房者義時之弟在于鎌府謀軍國事承久
二年正月時村薙髻出塵改名行念聽其倉卒
時人怪之後來堅志而忍嘉遜也其弟三郎資
時亦同落髮改號真照兩士共善和歌載在新
勅撰等撰集云

贊曰懿彼村時學深風雅相國雋英僧社達
者跡晦各彰德邵言寡兩士出塵式旌純散
永平道元亦其類也
道元者姓源京兆人亞相通親之子也幼而穎

悟稱曰神童自泝橫川就于公圓落髮納戒通
貫三學十有八載兩閱大藏雖粹顯密有疑未
決貞應二年截海游宋印心於長翁還船於本
朝始坐城之寶林終藏越之志化山居頌曰西
來祖道我傳東釣月耕雲慕古風世俗紅塵飛
不到深山雪夜艸庵中尤心存目想此之標致
也禪流奔湊如水投柂故後嗟峨帝特賜紫衣
徽號數回辭不容謝睿恩獻偈曰永平雖山淺
救命重重重却被猿鶴咲紫衣一老翁上嘉歎

久之元終其身未嘗挂有寶治元年秋八月餘
翁副元帥平時頗敦請相陽問道受戒新建仰
藍寄以豐莊謝而不就亟還越嶺建長五年八
月二十八日澡浴整衣索筆書偈曰五十四年
照第一天打箇踣跳觸破大千喫渾身無處覓
活陷黃泉投筆怡然坐化欲知元之始末往披
行業之記

贊曰個翁眼橫鼻直不被人瞞洞水源流溢
觴守水新豐秘曲調奏越山不受紫衣微號
之重不納名藍豐莊之大蓋有重於衣號大
於藍莊者而存於已也猗乎其重而又大者
從曩稱其德而不癯至今被其澤而不涸也
後昆須遵其高蹤持元之峻節寧窮餓斃於
溝壑莫荷輕小而趨豐榮矣

松嶋法心

法心者壯歲出俗不諳文字越海遊宋謁佛鑑
于徑山求教鑑于圓相中書一丁字示之心止
九年豎起脊梁至骨齧腫爛亦不暇顧乃明心

地歸藏與之松嶋臨終前七日謂徒曰某日吾
當去矣然身無恙徒頗疑之前指日如常齋罷
踞禪牀徒乞遺偈即曰來時明明去時明明是
箇何物徒曰猶欠末后句在心震聲喝一喝便
行

東巖惠安

惠安號東巖播州人也。生而穎異。壯歲登州書
寫力學。台教及于剝具。極其苦志。夜坐一榻。脇
不沾席者數載。嘗請八幡宮閱大論百卷。始語

念菴主有所默契。及主歸關西。後就靈山單丁
菴居。衲子翕然來歸。往見元菴于建長。叙如舊
識。師資道合。親蒙印證。終住洛之福田菴。道聲
益著。屢遷諸刹。廡擁室至。無所容。建治三年
霜月初三日寂。

鷲峯覺心

覺心者信州人。母祈佛感夢而生。少即有出埃
之志。十九落髮。納戒。登高野山。深指三密。建長
元年航海。至雙徑。參冲癡。絕不契。足跡殆遍。值

鄉僧源心相與誦護國參佛眼眼問汝各什麼
 覺曰覺心眼曰心即是佛佛即是心心佛如如
 且古且今其後覺承印記既歸隱高野之故居
 弘安四年文應帝詔住城東勝林寺奏對稱旨
 聲震寰區然厭襍道退居舊院後復住之緇白
 接踵不絕如粟乃潛歸紀州鷲峯素多妖魅至
 者必遭其惑及師居後即絕形迹覺一夜斂容
 寂坐泊然而去

白雲惠曉

白雲講惠曉讚州人幼攀台山學其宗教見于
 聖一服勤有載遠入大宋參曇希叟於瑞巖叟
 舉百丈檢火公案曉於言下大徹却來嗣法聖
 一厭世紛紛痛自韜晦學者有慕其風者每相
 從於空閒寂寞之濱正應五年大丞相藤公起
 曉出世東福冬日無相侍僧講購之曉曰無費
 僧曰乞報知事曉曰一頂直多少曰五百文曉
 曰五百文可助我香積四分之一其可乎卒不
 用剝菴曰栗棘帝聞而嘉之賜額曰聖壽永仁

五年臘月書頌而寂世壽七十坐五十四

日正高峯顯日

顯日諱高峯字後隄峨帝太子也母藤氏至誕

生夜異光發宮上徹霄漢龍章鳳質無煩熏沐

自然香潔自幼不茹葷不嬉戲坐必跏趺帝甚

異之十有六歲從聖一而圓頂于惠日大宋元

菴應相建長日往父室機語相契菴老領之遂

命侍湯藥却證心印於無學元即嗣脉云既而

避叢林縛茅山谷無有知者久之道香莫掩雲

衲麈至日堅拒不納偈曰丁見明師意轉閑痴

愁終日坐煙密飽柴飽水無餘事禪道文章何

處安正和五年十月二十日中夜書偈坐脫偈

曰坐脫立凶平地骨堆虛空翻筋斗刹海動風

雷

贊曰日藏山谷道炎難掩儲位龍質無學鳳

兒不減乃祖之風直使濟水漲起於東洋蓋

源遠而流長也

續扶桑隱逸傳卷上

寫本而歸身也

良不亦蘇氏所云之遇其時者乎



續扶桑隱逸傳卷上

終

